

山
中
一
夕
話

山中一夕話卷之四

卓吾先生編

笑笑先生增訂

哈哈道士較閱

趙紫雲傳

林金

趙紫雲生。姓梁氏。名育。字美之。醉鄉沈酣里人。其
始祖名清。居崑崙黃河源九曲瀨。生玄。黃帝時
爲宗廟大禮使。以和洽神人功。封合歡伯。玄生
醴襲爵。當帝嚳及堯時。累遷中獻大夫。醴生醴。

性頗醇。能近世味。舜代棄爵遊民間。娶廸氏。乃
自九曲遷居醉鄉。生旨旨。因自託於母姓。號廸
藥生。云生少而冲淡。善和釀醞。藉停蓄。雅有醇
質。及長。遊磁州。歷周洛鵠火之墟。遂變易初性。
或醇或暴。隨物變遷。善逢迎人意。人見之。輒與
共席握手。接口談論。令人迷亂。志慮饑渴俱忘。
晝夜不知休息。夏時客儀狄家。狄因薦之於禹。
得廷謁。拜伏始畢。遂升殿。登座。鵬甘言腴詞。相

誦功德。蔡鑒可徵。禹曰。是佞人也。利口覆邦。其
在斯乎。廼斥絕使去。并禁民間。不得與相往來。
儀狄因以所舉非賢疏。生既被禁錮。無所容。乃
更姓米氏。名釀。字曰釅。飄泊於娼樓客肆之間。
爲人充斂。竿實虛卮。取媚於酗徒淫妓咽喉之
末。無何。禹崩而禁錮解。至桀卽位。廼內交於嬖
妃妹喜。得見桀。遂大見寵任。封光祿寺上卿。提
點良醞署事。侍桀爲長夜之樂。桀竟以是亡國。

後湯建國。生聞湯勇智賢聖。不敢出。復竄身於
民間。至紂時。生猶無恙。蓋生自始育。已服異人
神蓼郤老方。故不死云。紂在東宮。聞生名。及繼
世。乃使人旁求之。得諸杜康家。遂與飛廉惡來
輩同掌國政。然二人雖寵任。但在外朝。惟生得
出入於妲己之側。因相與蠱惑。紂日以無道。
及武王誓師。蓋津其告諭諸侯之詞。有曰。淫酗
肆虐。蓋歸罪於生與妲己云。紂亡。生遁逃遠去。

武王作誥。頌生之惡于天下。生復廢棄。至春秋時。生復以蚤緣見平公。公欲用之。以杜蕢之諫而止。後歷秦漢。或出或處。不甚顯名。惟成帝時。附臚趙飛燕姊弟。僅一見而成帝崩矣。自是人始知生爲姦。迨晉初。復流爲止舍。卽家傭。夜與吏部郎畢卓會。大相狎愛。卓遂引見竹林七賢諸君子。因結爲死友。劉伶稱之爲大人先生。作頌以媿之事。見通鑑。生大得諸君子意。諸君子

晝夜不肯舍生。雖居喪非生不在側。阮籍輩得
罪於名教。亦以生西晉風俗。竟爲之敗。厥後五
胡亂華。懷愍失守。議者謂生實尸之。卒陷於石
勒。勒責之語多不載。最後二句曰。破敗天下。非
君而誰。因并王衍見殺。然生雖誅死。而其子孫
益多。至今未泯絕云。

外史氏曰。世多言人君喪身大國。及士君子殞
族亡家。莫不由信任小人。與夫昵比淫朋惡德。

以致烈禍。嗟夫。孟酌遺流。頽敗自極。糟粕餘味。
殄滅燹倫。蓋自洪荒以來。逆惡浸漬。覆轍相踵。
胡可云紀矣。古人一獻百拜。良有以也。元凶弗
替。末流靡基。若蚩蚩生者。其始無天道乎。不然。
何生之甚易。而絕之甚難也。

傾國生傳

林金

傾國生者。姓姝氏。名麗。字冶之。蓋西施國人。其始祖俗傳爲蛇身人首。與伏羲神農並生。未有族氏。迤邐至傾國生。其世數蓋不可考矣。生事歷代君。輒遇亡國之禍。故人號爲傾國生。云生少有異質。肌態嬌婉。美豔絕人。稍成童。遂見器賞於名公鉅卿。年十八。舉茂材異等。桀時爲姝喜郎。一意逢迎。不立名節。桀愛之。言聽計從。寢

處與俱。遂導桀以荒淫之事。及後南巢之役。桀
殞國滅。而生獨存。當湯世。生降爲僕圉。不復得
祿位。至紂立。復托散宜生以進。時文王囚於羑
里。幾見害。紂得生。乃喜曰。此一物足以釋西伯。
遂赦文王而出之。文王耻以生免罪。廼作禁操。
曰。臣竊當誅。今天子聖明。益歸德於紂。而不欲
使人知。由生出獄也。紂得生。嬖寵日隆。自謂相
見之晚。拜姐已宮。使生媚媚出羣。有巧思。凡紂

所作象箸玉杯之屬及酒池肉林皆生倡之紂
曰昏迷不事事惟生言是聽武王因天下之怨
毒乃率八百諸侯於牧野以殲紂懸首太白之
旗時太公望欲併誅生生詭計以免及武王崩
其孫幽王立慕生之名求於有褒得之用以爲
相復相親暱如桀紂時生性不好笑王百端弄
之卒不笑乃無故舉烽於驪山若寇至之狀徵
諸侯兵兵至無寇生廼大笑王喜曰得卿一笑

勝獲連城之璧。生好聞裂帛聲。王每取內藏繒。手裂以悅之。太子宜臼素不平。嘗謂其傅曰。他日吾卽位。當裂生如裂帛。生聞。遂讒廢宜臼。及其母申后。申侯卒。召犬戎弑王。驪山之下。而西周亡。時生已亡。去入於越。王勾踐之宮矣。越王被棲於會稽。生乃進言曰。臣在越。不能爲越重。在吳。則越重。廼爲越行。成於吳。越用以免。生乃曰。誘夫差爲淫樂。卒爲越所吞。而重越之言。因

以爲信云。仲尼嘗曰：吾未見好德如好生者也。生嘗在衛靈公所。欲見仲尼。仲尼亦欲因而告以君子之道。乃見之。子路大以爲醜。仲尼至矢言以自明。廼已。後又事漢成帝。成帝封爲越亭侯。號飛燕將軍。日說成帝以酎飲。成帝因此不壽。唐明皇卽位。聞之曰：朝見生。夕死可矣。其子壽王瑁聞而招致之。獻諸皇。皇大喜。卽拜平章政事。六宮都提點。生遂與高力士、李林甫表裏。

擅權恣作威福。時安祿山爲范陽四鎮節度使。生因與交通。明皇自得生。日迷謬乖亂。廢正后。殺三子。擯棄賢相張九齡。杖死諫臣周子諒。皆以生故。安祿山反。明皇挈生幸蜀。駐馬嵬坡下。軍士憤怨生。導淫醜亂。不肯行。先誅楊國忠。以憾生。明皇乃命縊生於佛堂之側。下詔暴其罪狀。乃啓行去。

外史氏曰。曼柔靡媚之態。其惑人也。易入而難

除傾國生亦人耳。而使歷代八君。容悅聽信。覆相尋而靡悟。苟非見理明。用心剛。以道自重。以敗自懲者。鮮不甘受蠱而淪胥以溺也。傾國生實死於唐。由唐而後。未嘗無傾國生也。在人主之所辨耳。士君子毋以生之術佐人主。則天下不患不治。毋以生之伎自污。則身不患不康。傾國生其賢者之鑑也已。

孔方生傳

林金

孔方生莊山人也。姓錢氏，名萬貫，字積夫。其先世銅川人，大父名璧，與其弟珠，嘗有虞時用，竊奇薦見舜，說舜以富國之術。舜大怒曰：「是貪黷而自銜者也。」遂抵璧於莊山之麓，錮之，投珠於粵海。珠因潛身入海國夷島。今其子孫獨一種未甚盛。璧既錮於莊山，遂依土豪金氏居。金氏有女，璧通焉，生四子，曰銅、曰銀、曰錫、曰鉛。銅卽

生之父也。生以祖爲棄民，乃竊金氏之支旁，改姓錢氏云。生少氣質極剛，及長，學於段百鍊先生，盡消融去，查滓其爲人外圓內方。接物行己，流通不滯。居鄉鄙，能傾身濟人之乏。凡貧窮患難，不能自存者，得生與處，則無不立效。坐致富貴，其應如神。人無長幼，皆呼之爲兄。以其內方，故號爲孔方兄云。生曰：是善名我，乃去舊名，自稱爲孔方生。然生爲人，雖務施，亦好積。大率厭

貧求富。每見人家驟消窮。輒棄去。交游達有富
人之門。以是有志者漸鄙之。居無何以內侍火
者薦於湯。爲洪爐卿。爲湯鑄幣於莊山之下。後
以乾沒罪罷去。至湯末孫紂立。又用崇侯虎薦
爲鹿臺都大提舉。招克聚歛。無所不至。紂以爲
能。封富國侯。食邑鹿臺三萬戶。卒致民窮盜起。
及武王伐紂。籍其家貲。大賚于四海。生旣家散
業亡。復流民間。爲守藏奴。至秦始皇時。又因李

斯趙高以進勸始皇行頭會箕歛之法。秦因以亡。漢武帝雅欲興利。生復陰以其術授桑弘羊。東郭咸陽孔僅之徒。啓武帝以利門。立均輸。置平準。筭商車。告緡法。紛紛制作。咸出於生。及海內虛耗。議者皆歸咎於桑孔。而不知其原。實生尸之也。東漢末。靈帝卽位。生復爲西邸令。甚見親信。凡進用公卿百執事。皆與之議。當時仕宦。無大小內外。非生莫能自達。崔烈爲司徒。亦因

生以進卒滅炎祚。及晉興生復客右散騎。石崇
家教崇與王愷相尚奢僭致累族滅崇被收時
嘆曰奴輩利吾孔方生耳。收者曰知生爲禍何
不去之。崇死後曾褒作孔方論以譏之。生不爲
改自是生無所聞知者。久之至唐德宗朝生復
用裴延齡舉爲鹽鐵都轉。迎使復導德宗立瓊
林大盈二庫。日夜居其中。會計餽納奉天之亂
蓋生所致焉。歷唐而宋真宗時與契丹會澶淵。

宰相寇準欲用兵生謀敘準功乃請身行講和
遂與契丹結盟而去自是每歲必奉使而往卒
致宋室卑弱金人內侵汴京失守而生之族亦
流播夷狄不得盡歸中原云

外史氏曰昔魯先大夫獻子有云與其有聚
斂之臣寧有盜臣孔方生敗人家國不可勝計
或者聚斂之臣實傷生家法者邪君子不患貧
而患不安若生者已無道德行義輔世長民徒

竊天地萬民自然之利以歸諸庸君世主卒之
害貽諸人而禍收諸已家族遷播流積戎狄使
華夷共罹其術今貪夫敗類奔逐未已可哀
也哉

忿戾生傳

林金

忿戾生不知何許人亦不詳其姓字或曰胸堂人或曰丹府人世次無所於攷其為人慄悍暴急鳴張恣睢與物多牴牾在鄉黨州里武斷獨往不能隨人低昂與時卷舒故人皆以忿戾生呼之初甚艱不肯受厥後思顧名實相孚乃亦自稱爲忿戾生云伏羲之末天紀倏擾生依共工麾下共工與蚩尤戰不勝乃激怒共工共工

遂以頭觸不周山崩。天柱折，地維缺，得女媧煉石補天，滅共工氏。因覓生欲殛之，生乃逃去。後當戰國在趙，事廉將軍頗。時藺相如以完璧及澠池之功，位頗上。生謂人曰：「廉將軍在趙有百戰功，相如何人？」位顧居上，因說頗辱相如。頗信之，後相如覺，以禮遜待頗，每遇必避去。頗因悔悟，遂去生。遂謝罪，相如爲深交。及秦之末，生復從八千子弟從項羽渡江入關之役，生勸羽擊

沛公羽未卽行沛公來謝飲宴于鴻門生怒甚
令項莊拔劍起舞欲於座斫沛公賴項伯翼蔽
事不就當是時倘令羽卒用生謀沛公不免生
因知項羽不已諒潛歸沛公至羽王沛公於漢
中、生不平說沛公曰項王宰天下偏王諸將以
善地王公以險阻盍擊之公將從之賴蕭何諫
止語見漢書當是時倘令沛公卒聽生言漢幾
殆東漢光武初興又往事質復復部曲殺人於

穎川寇恂誅之。生又勸復仇恂。恂以計屈復。生猶讒不已。至光武知。乃責復斥生。得解其事。李唐之末。牛僧孺。李德裕。因對策分朋立黨。生往來交構。互相毀譽。勢在牛則輔牛。折李維州之議。權在李則輔李。恣行報復之私。更相傾軋。垂四十年。而唐亦卒以亡國。則生實爲之。趙宋中葉。從呂圖輩。在蘇學士軾門下。時軾與程伊川先生議慶吊禮不合。生遂倡異論。鼓浮說。糾率

輕誕狂險之徒。攻劾伊川。卒令伊川東坡各能
去。有宋淳厚風俗。於茲遂衰。至孝宗朝。倚吏兵
部侍郎林栗逞其私憾。終始勸栗去朱熹。立偽
學。禁錮真儒。而生揚揚有德色。後莫知所終。
外史氏曰。昔孟子言能養浩然。夫浩然與生。或
云同出一祖。義理之勇。壁立萬仞。巖巖泰山。見
大人則藐之。蓋亦未嘗不用剛也。非禮弗履。本
原氣象自別。終不若生悻悻自好。務勝人護己。

短任意一動死而不厭而卒以不死。往往壞人
惡性殄族敗民。驕君妬士。負是而不反。以至於
亡者。不可勝計。噫。人亦何負於生。而生固負
人。若此哉。

遣麴生文

鄭坤

有一狂生得麴爲氏與母白粲僑居天水薄乎
其質薰然其氣聲清若真珠之滴琅玕色姣若
琥珀之映朝陽鶯黃鵲綠變態不常其爲物也
雖小其禍人也甚大往古來今多罹其害吾今
呼而詰之曰吾今夜對短檠鑽研陳編雖倦未
甚爾忽相延俾吾神昏志耗幾負青年吾常或
遊于外或陟于遐雖罷未甚爾忽相過俾吾慕

天席地幾欲忘家又嘗肆筵設席陪賓待友吾不欲爾以多尚人爾乃因罄其所有亂吾威儀移吾謹厚害吾猶可而又害人故迎神賽社競渡登高彼皆快爾之懷奈何爾與彼遭起風波於平地致衆口之嘖嘖至或家人父子聚首相喜命爾將意爾反逞技少不爾防骨肉乖戾交遊朋友暇日盤桓仗爾合歡爾反肆奸少不爾洞義絕盟寒匪惟今日爲然思昔裨卑卓於一

父埋玄石於千日人主把爾以問星。爾以亡
國六逸狂誕七賢裸達牛弼射兄弘之牛諸首
遭劉章之殺皆爾之使然也而又導煬爲虐裂
人肝腸有一遭者未或不亡此其大者餘悉難
言故大禹恐爾致敗遂疎儀狄衛武因爾悔過
嚴示抑詩聖賢且然吾何人斯安得不與爾息
交絕遊于斯時乎生於是躍然而起轅然而笑
曰子可謂隱善而揚惡信小而遺大者矣吾敢

陳吾之所有以族子之採擇焉。昔吾一脫乎池
汙之陋。手杯之卑。卽居有可以運船之地。游有
可望十里之堤。雲雷犧象爲吾什器。金玉鸚鵡
爲吾卮匱。竹葉假吾名。葡萄潑吾醅。鬱金爲吾
相和。菁茅爲吾筐篚。所享之富貴有如此也。趙
侯薄我而邯鄲受圍。樂巴嚙我而回祿熄怒。淵
明托我而逃。穆生爲我而去。大司成無我之祭。
難名其官。光祿卿無我之良。難建其署。所繫之

輕重有如此也。燕禮得我而君臣歡。祀禮得我而鬼神格。投壺得我而慶多。能鄉飲。仗我以尊。年德合。色得我而夫婦諧。大射得我而勝負決。平爭息。訟匪我弗克。日用常行。無往不得。吾之功又如此也。彼晉主問星。桀紂亡國。玄石被埋。畢卓見縛。七賢六逸。名玷行缺。弼射弘牛。呂遭劉殺。皆由其進不知休。用不知節。反以敗我之功。是以墊人之舌。若夫導鴈爲虐。人之使然。得

失在彼已何與焉。至于登高競渡。賽社迎神。肆筵設席。奉親延賓。而滅禮棄法。起怒生嗔。由其耽嗜不止。沉湎失真。皆彼自爲。亦罪吾身何耶。且子之劬書。傲風一紀。氣憊體羸。得我將理。子之行遠在途。嗷嗷唇焦口燥。得我紓勞。或脩俎以享先。或引藥以祛病。惟子所需。未嘗敢靳。是不獨有功於世人。而且有功於吾子。雖以吾嘗拒於大禹。然吾之命可與天地相終始。禹雖

事能終拒乎。至衛武公年九十有五。自度與吾
相見之日短。遂幡然以見拒。設使天能反其老
而再少。亦必相好以如故。今子春秋鼎盛。植志
堅牢。且月有餘俸。宜密厥交。何負于子。遽欲見
捐。子亦少恩哉。吾一聞其所陳。卽內訟且愾。他
無足恤。惟祀爲急。人之爲人以禮爲體。人而無
禮。胡不遄死。凡欲行禮。須生將敬。敬無所將。爲
禮之病。以是而觀。生似有不可終擯者。彼身滅

國絕忘反從流皆自作孽於生何尤於是復晉
生日而今而後與爾交不必絕絕則禮缺亦不
必多多則傷和惟適可而止爾性雖狂其如我
何生再拜曰謹俟命

答戒酒文

陶甌有布衣素號詩酒癖一觴一咏窮極朝夕
陶陶兀兀曾不知利名之爲輻輳貧賤之可依
戚客有造其廬而譏之曰方今神聖在御登崇
俊良子不嗟功名未成志願不偶擯棄名檢放
懷詩酒上乏譽於鄉曲下遺誚於朋友名教清
議吾不予取乃者廣平爲文示戒貫穿詩書爰
及歷代儆智愚之得失監國家之成敗禍亂之

階惟酒爲害。君侯俊哲。試聽大槩。命客促席。披讀未終。歛襟兀坐。愧謝愚繇。若醢鷄之在覆。宰夫君之發蒙。吾將剖鸚鵡之杓。碎琉璃之鍾。啞荷鍾之伯倫。謝投轄之孟公。酒若有神。自西自東。與子絕交。誓不汝從。客乃復坐。音問方諸。或今於側。或笑於階。揮之不去。招之不來。四座驚佈。毛森骨豎。客懼告歸。吾固留駐。忽聞亭畔。以切若語。若怨若恨。若有所訴。吾復怪問。汝訴何

緣與汝同處殆三十年窮困貧阨皆汝之愆我
未能操戈以逐子何以寬而有言辭令未周恍
若有應子聞賓賢不聞酒聖今子見逐我去何
辭我欲有請于其聽之昔子游學荆楚琴劍無
光氣色慘怛賴我侍側輒忘羈旅爰自壯歲拙
毫作文辭慙氣索勢若車奔恃我鼓作思湧如
雲至若都門悵別易水歌罷游子心催行人浪
洒悲風起於長梁煙樹黯於清潮引一觴而氣

振復一怀而憂爲時予之功不在禹下獨不聞
既醉脩福見於周詩不爲酒困聞於仲尼德將
無醉酒誥之辭酣酒嗜音五子所悲商辛糟丘
畢卓酒池沉湎淫佚穢德日滋咸其自取過我
何爲廣平千掉三寸之舌駕傾河之辨毀訾賢
哲蔽欺已見使君子一覽而驚再見而嘆忘我
大德思我小怨先民有言人之齊聖飲酒溫克
醉而不出是謂伐德彼昏不知胡爲我責逝將

去。汝適我樂國。客聞之而義服。我聽之而拱默。
延之上座。永爲嘉客。

旌嘉慶傳

張王賓

嘉慶子者。臨江旌氏父。爲東甌令。早卒。母虞美
人。孀居紡績以教子。年十二時。從四門子學。好
與少年游。素集賢賓。南鄉子。生查子。江城子。皆
相友焉。及長。而自負甚高。號曰臨江仙。嘗作快
活三詩云。漢宮春暖滿庭芳。沉醉東風戲舞狂。
月上海棠疎影動。梅花引入夢魂香。又一剪梅
開半作詩。亭前柳色盡蛾眉。玉交枝上鶯啼序。

紫苑玲瓏粉蝶兒。月中丹桂誰先折。且醉花
陰臥片時。唱太平天下樂。謾隨玉女步雲梯。
世人迂之目。以爲山花子之流。而子固釋然。時
沽美酒痛飲。飲輒醉扶歸。其母怒責之曰。醜奴
兒。不思步蟾宮。而學醉翁子也。子悟。擲金錢爲
誓曰。吾不能折桂。令世人稱好孩兒者。有如此
錢。遂讀書高陽臺。暇植萬卉。以助書興。然而素
憶秦娥。娥者鄰女也。年甫十五。而有麗色。子聞

而慕之。無山面也。適後庭花發。娥上小樓望之。
翡翠地鋪也。而獨愛山桃紅。方欲隔垣折之。窺
見慶子據青玉案。被皁羅袍。狀貌魁傑。青中黃
鍾。暗忖曰。真出隊子也。不覺有留連意。而子見
花枝頻動。偶一舉目。則驚疑以爲鵲橋仙也。熟
玩之。方識其爲娥。乃嘆曰。美哉美哉。當令鴈兒
落也。當令月兒高也。遂潛出折一枝花以贈曰。
是玉連環也。娥嬌羞無語。而秋波轉盼。百媚俱

生適婢金菊香至。戲曰。姐見蝶戀花也。娥掩面疾走。而予見其步步嬌。因賦一辭。名曰浣溪沙。粉面嬌娥點絳唇。水蘭花底笑顏生。小桃紅處暗香聞。羅帶飄飄金絡索。繡鞋隱隱踏莎行。一聞風起玉樓春。抵晚思之不置。又賦詩云。夜深懶去剪銀燈。爲憶多情醉落魂。何日魚游春水底。獻歡一夕解三酲。時春日正妍。黃鶯兒轉喉矣。娥早起。傍妝臺。不能自遣。作畫眉序曰。舉目

園林好。凭欄懶畫眉。懷愁如夢令。魂逐駐雲飛。
一日娥告父母以踏青遊。乃令婢秋香引道。慶
子知其出也。遂步芳塵。見其入一寺。問婢曰。此
間何神。婢曰。菩薩蠻。大和佛也。娥即向前暗禱。
曰。妾若得與阮郎歸。當以金錢花燒贈。及出而
遇子於門。子徐曰。卿卿不思張生。鶯鶯事耶。娥
佯問其婢。而意實答生曰。此不是路也。子細釋
之。嘆曰。真好姐姐也。乃悵然去。娥亦歸。而其婢

曰今日若非秋香。娥爲雙鵲鵲也。娥笑曰。誰願成雙也。然而心思暗想。鬱鬱成疾。父母揣其花心動。乃囑鄰婦香柳娘爲擇配。娥知之。令幼婢賽紅娘者。以一封書寄子。且贈一詩曰。此身恰似孤飛鴈。獨對淒涼一盞燈。懶看畫樓秋夜月。厭聽街市賣花聲。祇因上苑迎仙客。却使幽閨憶故人。惟願勾君雙勸酒。相逢一一訴衷情。子得書甚喜。遂以賂遺柳娘而求通婚。柳娘以婚

事達其父母。父母怒曰。汝欲以吾金蕉葉。與
啄木兒也。子聞之。慨然不樂。乃作江頭送別詩。
令蒼頭滴溜子傳與娥。曰。一江風雨苦匆匆。害
煞鴛鴦西復東。恨入幾川機棹子。愁埋兩岸玉
芙蓉。許多心事江兒水。萬斛相思刮地風。爲我
暗傳言玉女。詩成血泪滿江紅。娥覽詩。嗟呀不
已。時將秋闈。梁州序舉子以試。子欲別母而行。
母曰。兒此去如浪淘沙。且恐無益也。子曰。倘一

口得賞宮花。以顯親揚名。使天下作孝順歌。笑
不可者。遂邀其友。倘秀才。滾秀才。并倉頭青歌
兒。渡夜行船以行。出門見鵲踏枝。而噪聲如碧
玉簫。令卜筮子。號山麻客者。卜之吉。乃就試試
畢。王師二學士。鮑老健。金字經。東原樂。俱賞予
之文。評曰。氣雄如下山虎。聲弘如水龍吟。蓋字
字錦也。遂首擢子。子因馬上作詩曰。深鎖寒牕
幾度秋。而今始得錦纏頭。佳枝香惹輕羅透。錦

上花開兩鬢悠。白屋時來寶鼎現。清江引出綠
波流。當時惆悵西江月。今夜姮娥遠地遊。捷報
鄉閭。鄰翁甚悔之。娥亦有怨心。曰。我父母自誤
佳期。令人害長相思耳。因吟一絕云。鴈過南樓
遠。驚聞瑞鷁鳴。瑤臺月移去。懊恨撲燈蛾。生謝
王師後。衣錦還鄉。鄰翁以姻事謀于豹子。令
曰。試往言之。翁乃以錦錯引進。欲以女奉箕帚。
子佯言曰。始棄我而今復我。翁其要孩兒乎。翁

曰焉知今日錦衣香也。子曰然。姑待北朝天子而歸議之。翁諾。娥聞子北上春官。惻然曰。恨俏郎舍我望遠行。必將另娶水仙子也。於是病甚而服紫蘇丸。不知慶子實意難忘也。子詣京謁金門朝天子。天子命爲新水令。爲政稱人心。邑人編排歌以頌其德。自是而爵位節節高矣。一日西番齊天樂者。自稱聖藥王。激變遣其將虎廝兒。麻郎兒。番鼓兒。竹馬兒。雪獅兒。阜角兒。威

武令七兄弟者。侵擾樂水令。油葫蘆谷。過牧羊
關。邊將泥江龍。金瓏璫。戰俱不利。響應天長中。
都悄然。時宰相賢奏曰。旃嘉慶有韜畧。足定西
番。天子命徵至。問曰。寇至奈何。對曰。水底魚兒。
臣當一網盡耳。天子喜。賜皂皮靴。駿甲馬及劒。
器令簇御林軍萬人往。生下令曰。凡我諸軍。聞
大進鼓則進。聞重疊令則退。望采旗兒爲號。乃
押蠻牌令。統七賢過關。與賊鬪。寶蟾。又鬪黑麻。

連勝軍威所振如白鶴冲天復率衆埭渡朝陵
橋使福馬郎旋風子伏兵金娥曲而令破陣子
挽弓弩前破齊陣賊披靡驚愕相顧曰辦二郎
神也悉遁餘兵被我軍彈打死者幾半其遁者
中途伏發降其將黃龍鎖廳郎擒十五郎懸蠻
首於槩作鴈兒舞長驅逐北若闔鷁鷁然蠻王
遁跡番兵皆光光乍矣子乃下得勝令整兵還
與諸軍會河陽軍中齊唱甘州歌焉子亦作曉

行序有霜天曉角響。一玉歸朝歡。鴈過沙清地。
臘梅花影寒之句。時道經臨江。子歸拜母。乃穿
大紅袍。繫繡帶兒。駐馬廳前。娥聞之曰。玉郎歸。
好事近也。翁復求聯姻。子以告其母。母命娶之。
生甚喜。遂備鴈魚錦三段子。四塊玉及山坡羊。
梅花酒聘焉。娥因歸子。同會銷金帳。子欲其脫
布衫。娥曰。君母綿搭絮也。子曰。卿卿今尚可鎖
南枝不放花乎。強逼之而戲曰。金井水紅花放。

矣。娥曰：「醜郎不惜奴嬌也。」相與溫存萬狀。早起，偕上京馬，載娥同行。至京，暮夜遊朝。玉漏遲遲，及曉，進見天子。拜舞殿前，歡甚。百官共賀太平。天子樂令設宴。珍羞錯集，如大河蟹、白鶴子者，咸備焉。復奏大聖樂以酬勞之，仍賜一斛珠、纓纓金、五樣錦。天淨紗賞資甚厚。聞其已娶，乃復賜紅衲襖、女冠子，使之從御街行以出。一夕，娥謂予曰：「人生若雨中花，寄生草耳。若雖富貴不

如漁家傲也。且堂上有老姑。不免飲供養。君不
聞烏夜啼有反哺意耶。子乃屢疏乞歸。天子不
得已許之。賜宮女吳織機。醉娘兒。似娘兒。梨花
兒爲婢。命翰林風流子。唐多令。草詒辭以封之。
曰。始守新水。行太平令。繼收江南。卒定西番。四
邊靜。然皆卿之力。冊封太師。引護封國夫人。又
贈封其父母如子官。子受封歸時。夏初臨。子途
中作蝦蟆序。又作獅子序。大抵言其碌碌無異。

一照悼也。及歸爲母上壽。開宴後庭。花娥曰。不
圖今日有此相見歡也。遂傾杯序舊情。因廢和
作歌。丁未當年一盆花際立。淒涼只有候山月。
憶君顏色勝如花。教人常對韶花泣。愁雲偏送
風入松。怨山澗。向梧桐葉。今朝同幸朱履回。泣
顏回轉歡聲集。紫燕歸梁相對語。雙雙蝴蝶常
徘徊。章臺柳。塞西地。錦函處。疑似小蓬萊。但願
千秋歲無限。歡離時把玉山頽。娥云。落梅風裡。

玉郎繡毬怕滾東家牆。相思琵琶撥不盡。
堂春色空悲傷。燒夜香時心欲裂。五更轉轉煩
愁腸。今宵相與慶宣和。菊花新處秋風過。石竹
花開並頭並。錦堂月下同婆婆。洞仙歌出雙聲
子。香羅帶結牽情多。與君占盡普天樂。何須重
唱朝元歌。母初不知其情。及聽其辭。笑謂娥曰。
吾子以汝貌賽觀音。常欲作探春令。以吾思之。
若非江頭金桂發。安能沉醉海棠紅也。復笑謂

子曰。吾兒今縱醉歸遲。吾不爾責矣。而今而後。
子與我兩休休焉。不爲爵祿名位所絆也。三臺
令胡搗練聞之。亦作歌以贈曰。君家想是江神
子。逍遙樂在閒庭裡。辭印歸來醉太平。爲惜黃
花怕無主。立朝列位鬼三台。還家歡飲絡索盃。
芳名已標鳳皇閣。清風應振古輪臺。後慶子作
本序。卽以前腔爲尾聲。君子曰。嘉慶子豈不毅
然一丈夫哉。感皇恩則思報君。賀聖朝則願歸。

養不以貴忘娥。非薄作也。必以禮娶娥。非苟合也。其立身其行已可謂端正好矣。豈與昔日憶鸞兒者一樣腔耶。余故筆之以成餘文。

遺精復度招情

謀野浪客

招狀婦李氏年三十五歲直隸應天府上元縣
民婦招正德五年三月十九日有夫錢臣前往
母舅張廉飲酒更深醉同見氏針指守候不合
乘其酒興遂樓抱推倚床沿百般調戲恣意淫
樂比有小姑錢氏因與氏臥房間壁聞氏與夫
淫聲交雜不合剝開壁洞窺氏與夫交合情狀
想已動心次早天明氏夫早出姑卽前來含笑

對氏說稱你與哥哥昨夜扭在床上許久作何
事氏又不合明說你哥醉酣乘興色慾迷心與
氏頑耍一場今早到上元縣公事前去姑又不
合含笑忍恥稱說你兩人交合形狀我皆看見
可照樣與我一做便了不然我要說知與人氏
又不合聽從隨將小姑抱向臥床各脫裙褲挽
起雙足效作交歡之狀以致兩陰相合弄假成
真是氏淫情興動將夫所遺元精流入小姑陰

戶歡樂一番各散不料以後小姑頓覺精神變異。經閉腹高。遂成胎孕。當被伊翁凌銑告府批行本縣案下。拘氏與夫姑到官審問。前情明白。是氏與姑不能隱蔽前情。致生事端。姑遂成孕。蒙臺疑有私通虛誑。當拘穩婆沈氏。驗看小姑陰戶。委實未曾破身。果是遺精復度。猶恐未的。又拘江寧縣穩婆姚氏。覆驗無異。所招是實。

一議得李氏錢臣錢氏等所犯俱依不應得爲

而爲之事。合依律的決杖八十。大誥減等各杖七十。審各有力。照例取贖錢。氏仍候所孕輕身。給與錢。臣收養。照舊配與凌銑次男爲妻。兩家毋得復生異議。卷照。

醒迷論

一衲道人

夫人常情非愛財。卽愛身也。非畏法。卽畏理也。非慮前。卽慮後也。非好名。卽好勝也。人之於財。或以毫厘而貿易無成。或以分文而僮僕管楚。或以假借而朋友分袂。或以不均而兄弟構訟。至於淫色。則傾囊橐。破家資而欣然爲之。甚則同餓殍。胥盜賊而終身不悟也。謂之何哉。人之於身。或以墜馬而畏騎。或以危船而勒渡。或刺

皮膚而怒不可當。或小有疾病而戚然恐不可起。至於淫色則耗元氣。喪元精而怡然安之。甚則染惡瘡。耽弱病而甘心不悔也。謂之何哉。且服祿者。犯姦有罰。職役者。宿妓有禁。法之可畏也明矣。今之人縊死於舊院。刺死於南樓。爲嫁買而經官問革。緣淫奔而出醜遭刑。大以吾一身。仰有父母。俯有妻子。其所當顧慮者甚多。而乃以女色懼法。不亦可羞之甚耶。色荒之訓。書

有之。治容之誨。易有之。理之常鑒也。明矣。顧乃正氣喪於淫邪。名節墮於妖媚。雖有豪才。不足取也。今之死戰鬪者。以勇名。死諫諍者。以直名。而死于色者。名之曰敗家子。稍有好名之心。當有擇而不爲。稍有好奇勝之念。當有憚而知改矣。或以子美之四娘。安石之雲月。東坡之琴操。陶穀之弱蘭。爲四公之樂。而不知此乃四公之累也。或以爲相如之竊玉。韓壽之偷香。張敞之畫眉。

眉沈約之瘦腰爲國公之豪而不知此乃四公之失也。而俚言所謂腰間劍與色不迷人者是又一人能曉之也。昔讀孔子世家見柳下惠坐懷不亂。魯男子閉戶不納之事。讀江夏野史見馮商娶妾遭歸生子狀元及第之報。則知不淫女色非獨變身也。夢德也。而財不足言矣。非獨畏理也。畏天也。而法不足言矣。非獨慮後也。慮鬼神也。而目前又不足言矣。非獨好名也。好

積善也。而好勝。又不足言矣。如此則楚館秦樓
非樂地。隋宮之淵。數乎。歌姬舞女。非樂人。破家
之鬼魅乎。顛鸞倒鳳。非樂事。妖媚之狐狸乎。識
者以爲何如。

辭美人賦

司馬相如。美麗閑都。遊於梁王。梁王悅之。鄴陽
譖之于王曰。相如美則美矣。然服色容冶。妖麗
不忠。將欲媚詞。取悅於王後宮。王不察之乎。王
問相如曰。子好色乎。相如曰。臣不好色也。王曰。
何如孔墨。相如曰。古之避色。孔墨之徒。聞齊饋
女而遐逝。望朝歌而迴車。譬於落氷火中。此乃
朱覓其可欲。何以明不好色乎。若臣者。少長西

上鰥處獨居室宇遼廓莫與爲娛臣之東隣有一女子雲髮豐艷蛾眉皓齒顏盛色茂景耀光起恒颺颺而西顧欲留臣而共止登垣而望臣三年有茲矣臣來而不許竊慕大王之高義命駕東來遂出鄭衛道出桑中朝發溱洧暮宿上宮上宮閒館寂寞雲虛門閣晝掩腰若神居臣排其戶而造其堂芳香芬烈黼帳高張有女獨居宛然在床奇葩逸麗淑質艷光觀臣遷延微

笑而言曰。上客何國之公子。所從來無乃遠乎。
遂設旨酒。進鳴琴。臣遂撫絃。爲幽蘭白雪之曲。
女乃歌曰。獨處室兮。廓無依。思佳人兮。情傷悲。
有美人兮。來何遲。日既暮兮。華色衰。敢托身兮。
長自私。玉釵挂臣冠。羅袖拂臣衣。時日西夕。玄
陰晦冥。流風慘冽。素雪飄零。門房寂謐。不聞人
聲。於是寢具既設。服玩珍奇。金鉏熏香。黼帳低
垂。裯褥重陳。角枕橫施。女乃弛其上服。表其衷。

服者一
衣。脂體呈露。弱骨豐肌。時來親臣。柔滑如脂。臣
氣服於內。身正於外。信誓旦旦。秉志不回。翻
然。於前舉與彼長辭。

慕富聯姻詞

悟凡生

竊聞人各有偶。物從其類。故婚姻。人道之始。伉儷家政之基。豈可使宸隆一揆。涇渭混源哉。此鄭忽之拒齊。不疑之辭霍。良有以也。故秦晉國匹。欒郤族均。王謝閥等。潘楊世睦。本其門素。既爾齊同。稽厥風猷。復無虧替。又其子弟雅醇。弓裘克禪。則施矜命。往結褵言歸。百兩是將。箕箒獲所。于是甥舅騰冰玉之譽。龜筮告鳳占之吉。

風人詠其好求宗常贊爲具美斯天作之純休
人倫之甲也矣其或今跡雖微先鬼則大猷支
云劣祖德在稱爲駕言歸女意屬振微仁不遐
遺民歸其厚猶長者之用心矯偷之高舉也又
或席門之眷雍牖之賓而微無聞舊彥缺錄而
豹姿突變駢角旋生無待能興誇塗拔起則知
昌願托冀庇望諸等諸食果畧休棄年收豕微
福于將來連衆情而締納此婚姻之變例明賢

之逾視也。至若椎埋^夏尤類。鬪鬪^夏茂童。不齒齊民。
世濟惡德。以逮馬醫^夏之子。給喪^夏傭保之兒。
亡命負辜之徒。導騷^夏光驅之斯。遽除威施之狀。
俯仰無能。侏儒介眦之稱。孝慈莫改。儼倫於犬。
豕。比德于伶優。一旦以乾沒而致多金。借苟營。
以騰高貲。心志驟侈。不足非財。自醜卑流。仰扳。
華胄。推潤屋之餘。肱希霄燭之末。照於是。膿胞。
啖其門客。貨賄誘其私親。遊說之言。日至。蚤遇。

之譽不衰。遂至寡廉鮮恥。明目張膽。唯利是求。族類罔計。象齒竟謀。鳳毛安惜。是故青女猶之居貨。行媒同於貿易。忍使化源釀爲買道。于是珪壁金珠。爛充簪珥。永紈霧縠。而貯筐箱。雖位在九列。族右一方。多議濶視之人。喜譏善誚之士。莫不一見解頤。弱息請往。遂使纓冕淑胃。錯入駟僮之匹。河鯉齊姜。并渾鳴盜之裔。生爲合卺之人。若牛驥共槽而食。死作同穴之鬼。則薰

猶並器而藏。高門遂爾降。芳草田之化。肅矣
士人贅行。孰此爲大哉。僕嘗懷此而未肯陳也。
近見郡中婚媾。多托媒于足下者。故敢布此幸。
子較品審流。別門分類。苟非異等。務遵常運。毋
使禮門頓開利竇也。

細腰歌

蘇州富商夜夢羣男子。細腰白質。辭曰。我輩將
投揚州有福者。明日查庫中失銀二千錠。又一
夕夢其還云。遍覓無如公者。願終伏事。驗其銀
復在。余因作細腰歌曰。詭爾細腰羣男兒。燭光
雪映真瑰奇。豐之世稱陶石客。約之壯士無顏
色。排紫撻兮入金門。淹可拔兮寒可溫。君不見
玉顏金谷豪無比。厚積細腰而已矣。又不見鵲

本自結龍家。細腰踽踽淡交情。多君雖云成。
怨府。儘石黃儲良亦苦。吾家亦有山上葱。庫笥
不動羽杯封。亮天匪贈埋兒巨。何事別我維揚
去。俄云脩福莫如公。翩翩旋復仍相從。候。往候
來誰是主。不憚煩兮如楚許。如今珍重君不嗔。
願君與我相知心。

禮貧賦

仲夏吉日。攬貧登堂。拜而致言曰。玄哉爾貧。虛
妙曷測。善蔽弗彰。是爲天德。寧而不有。施而不
積。蕩乎難名。熙相萬物。昔叱堯舜。投金抵璧。糴
糒糲粢。仁覆蒼億。勵說操版。史望秉戩。舉彌作
師。皆汝之力。大任將與。勞震筋骨。追我仲尼。要
久肝膈。曲肱奏枕。疏水奏食。偶旅陳蔡。琴歌共
釋。兼友淵參。原憲歡密。簞瓢在陋。饑餓屏迹。龍

行逾高鴻揚靡忒。王亭者何。織韋者勃。寄養牧豕。刈草釣澤。翁爾顯庸。侯王竹帛。由是觀之。得汝者成名。失汝者穢。愚上建神哲。下起勲績。處以脩躬。蓬蒿潔白。出以佐采。貞素表職。生而恬康。樂天自得。沒而無疚。奕代軌式。遺安孫子。錫慶綿世。自爾之來。爲道增益。氣凌青雲。心對皓日。聖途徜徉。王經被飾。卑細蠅蟻。啗眇貨殖。山崩前想。千駟鄙沒。糟糠令妻。考槃淑息。萊子見

遊裘公樂集。却謝車馬。孤抗泉石。國無如人。鄉
靡怨客。門可雀羅。逍遙坦適。脩夜常寧。安秉鮮
惕。出無留顧。入靡紛迫。偃仰探經。肆精奧極。與
爾婣媯。豈敢疎逖。樂只君子。頌汝朝夕。於是貧
聞而喜色。乃告予曰。吾與子居。曠久習便。吾有
胸臆。未與子言。我貧與富。皆命自天。天有二役。
授予不怨。富昇小人。貧歸大賢。貧者福之富者。
禍焉。惰淫貪墨。乃與周旋。盜跖利以惡戾。張宜。

凡百溺之鮮不獲顯智者使昏方者使圓。愛弛
德成。居起貴權。弑父與君。競此致然。當豈嘉德
迷夫孔憐。凡今之人。惟金與錢。子既知我。我敢
舍旃。願同終始。車休萬年。

送窮祭文

維某年某月陳石亭居士。謹具酒醴船隻致祭
於洪崖先生之神於道之左而告曰。嗚呼神乎。
爾形可哀。爾勢可侮。爾情可矜。爾名可茹。士遭
爾而陸沉。農遭爾而饑苦。工遭爾而鈍遲。商遭
爾而耗蠹。厄孔聖於絕糧。蹙項羽於夜渡。逐賈
誼於長沙。寄淮陰於漂母。薄季子於親兄。割買
臣於愛婦。冷蒙正於破窰。餓東坡於塵釜。悲皇

氏於染絲哭阮藉於迷路炊白里之屢屨空孟
常之門戶抑心思於無仰把語言於無訴却名
姓於無因補經綸於無措而親戚以無情薄朋
友於無故不來而人自寒不惡而人自惡來君
子之知憐叢小人之談吐凡此皆爾使然大抵
聖賢氣數嗚呼錦口繡心衰門薄戶鳳翼鷄栖
駟蹄驢步我於爾竟何爲爾於我誠無負慨歲
月之因循感情意之堅固奈久住以幪人冀維

新而化腐。醉爾以酒。飽爾以脯。洗足上船。途遙日暮。任燕壁與秦關。毋龜回而蛇顧。尚享。